



Jaorverslag 2025:

Overzicht programma 2025:

Op zondag 2 februari was d'r koffiemorgen. Op de eerste koffiemorgen van 2025 wazzen Ria Olijslager oet Lievelede en Annemarie Onstenk (Buurdeerntjen)oet Hengelo te gast. Een good bezochten morgen, beide dames konnten heel laevendig eure verhalen veundraegen, Ria vertellen over schoolalbums van de legere schole, en Annemarie vertellen verhalen van Herman van Velzen.

Op zondag 2 meert was onder grote belangstelling bi-j Van Hal in Voorst de start van de Waeke van 't Achterhookse en Liemerse Book. De organisatie van dizzen morgen is in hande van ECAL i.s.m. Vrienden van de Streektaal Lochem en Dialectkring Achterhook en Liemers. Speciale aandacht veur deur dizze editie was veur jeugdbeuke. D'r werd twee maol een 'Opstaeker'oet-ereikt. Ok wodden hier 't cadeaubeuksken Flonkergood e-presenteerd met als thema: Europa

Op zondag 6 april was de afsluutende koffiemorgen met als gastspraekers Gerard Uwland oet Winterswijk-Ratum en Joop Lammers oet Breedenbroek, beide mansleu vertellen mooie verhalen. Gerard oet eigen wark en Joop vertellen verhalen van o.a. Hulzer Willem en Dick ten Hoopen. Anvankelek ston Dick ten Hoopen op 't programma, maor deur omstandigheden kon dat neet deurgaon.'t Was een mooien gemeudeleken morgen.

De jaorvergadering met bestuursverkiezing was op 19 april 2025, Joop Lammers was aftraedend en herkiesbaor. Hee werd met applaus herkozen! De kascommissie Gerard Uwland (2^e x) en Ria Addink hebt laoten weten dat alles d'r good en netjes oetzöt en hebt decharge verleend. Gerard was aftraedend, veur volgend jaor kascommissie is Ria Addink en een niej lid wodt d'rbi-j evraogd. Deur 't plotselinge overlieden van Ruud Hamburger (in 2024) unzen webstae-beheerder, kwam 't beheer van de webstae in de knel. Hans van Eeten hef zich tiedens de jaorvergadering spontaan an-emeld umme te helpen met de webstae bi-j te hollen van de vereniging. Wat heel fijn is veur de vereniging.

Op donderdag 3 juli en donderdag 7 augustus wazzen d'r weer twee gemeudeleke Kotmansaovende met as veurlaezers op den eersten aovend; Ankh Gussinklo (Aalten), Diana Abbink (Winterswijk-Meddo), Toon Hebing (Zeddam). Toon Hebing bracht ok ziene gitare met veur een antal leedkes. Joop Hekkelman (Gorssel), Ceciël Maas (Wehl) en Hermien Bannink (Barchem) kwamen op d'n tweeden aovend veurlaezen. De entree veur de aovende was een vri-je gift t.b.v. Stichting 't Schrieverspad.

Op zondag 5 oktober bu'w 't winterseizoen weer begonnen met Dialect op de koffie met als gasten De Grolse Hofzangers. Een programma met muzieknnummers en zang in de streektaal.

Op zaoterdag 25 oktober was de 58^e Dialectdag/Tag des Platt, den wodden ehollene bi-j 't WIRTshaus in Ellewick. Thema was: "Wat een spöll/ Wat een spöll." Te gast wazzen Christiane Cantauw, Ria Olijslager en Maria Stammers en Johan te Molder. Presentatie was in handen van Diana Abbink en Christel Höink.

Op Zondag 9 november was d'r een Dialectmeddag in 't Smedekinck in Zelhem. Dissen meddag werd organiseert deur Oldheidkundige vereniging Salehem i.s.m Dialectkring Achterhook en Liemers. D'n meddag ston een pubquiz op 't programma.

Op de koffiemorgen op zondag 14 december wazzen veurmalig pastoraal warker Henk klein Gebbink (Uft) en veurmalig geestelek verzorgster en parochiemedewarkster Marjan Storteler- Wopereis (Ruurlo) te gast, met een thema in winter-karstsfeer. Ok dit was een gemeudeleken morgen met mooie verhalen.

De Midwinteraovend was op 29 december. Thema was dizze kaere: 'Kump noo 't Christkind of Sunterklaos '. Naost de muziek van de Midwinterhoorngroep Lievelede, wazzen d'r veurdrachten van Henk te Brummelstroete en Dr. Volkert Tschuske, den aovend wodden af eslottne deur 'Flauto Fredena' o.l.v. Hanne Feldhaus.

Op zaoterdag 8 februari en 15 november 2025 waren de schrieversmeddage dee altied deur zo'n 12 töt 15 mensen bezocht wodt.

Op zaoterdag 18 oktober is d'r vanoet 't VND i.s.m. de drie kringen en de Moespotredactie een 1^e Moespotcafé e-hollene, veur alle Moespotchrievers oet 't gehele gebied. Hiervuur is ok meermaols vergaderd.

Taakverdeling en diversen:

In 2025 he'w 5 bestuursvergaderingen ehollen. Daornaost waren d'r op 3 april en op 9 oktober vergaderingen van 't Verbond. Gerard Uwland (A&L) is op 3 april af-etraeden nao 11 jaor als veurzitter, Sonja Roerdink (A&L)hef 't veurzitterschap overnommene en Maria Stammers (A&L) is penningmeister van 't Verbond. Willemien Smeenk (SOV) is secretaris. Ton Toebe (Lochem eu)Maria Stammers is ok notuliste veur 't bestuur A&L.

Ok is d'r een afvaardiging van 't bestuur op 15 januari en 16 september 2025 naor Zelhem ewest umme te vergaderingen met Oldheidkundige Vereniging Salehem in Museum 't Smedekinck te Zelhem. Op 9 november 2025 is gezamenlijk met de Oldheidkundige Vereniging Salehem en de Dialectkring een Dialectmeddag in 't Smedekinck te Zelhem organisaerd, dizze kaere was d'r een pubquiz met vraogen over de streek en de streektaal. 't Was helen gezellegen meddag en veur herhaling vatbaor.

Veur de Dialectkring Achterhook en Liemers zit Else Klomps oet Wenters in de redactie van de Moespot, waarbi'j ze ondersteund wordt deur Dini van der Kolk-van Loo.

Gerard en Ine Uwland, hoowal gin lid meer van 't bestuur, zorgt altied nog veur de verzending van de Moespötte en 't actueel hollen van 't jaorprogramma veur de vereniging, als ok veur een stapel actuele, strak-gevouwen jaorprogramma-beukskes bi-j elk evenement. Dat is hartstikke fijn! En daor bunne wi-j heel arg bli-j met en eur dankbaor veur.

De Dialectkring hef een verlichtingsset van 4 lampen op statieven veur de koffiemorgens an-eschaft. Daor daor bunt ok achterin de zale de gastspraekers good te zeene. Johan Eppink en Joop Lammers zorgt veur de opbouw van de verlichting bi-j 't podium. Ok laest verschillende bestuursleden veur in de streektaal bi-j verscheidene gelaegenheden. Enkele bestuursleden gef ok 'Wiesneuslessen' op basisscholen.

Op dinsdag 7 oktober 2025 ontvingen wi-j 't verdretige bericht dat Johan Eppink is overlaene. Johan is in oktober 2021 samen met Anne Marie Damveld töt 't bestuur too-etraene. Hee was een enthousiast lid en heelp geerne met de veurbereidingen van de evenementen. Daornaost was hee samen met Joop Lammers degenen dee de verlichting bi-j 't podium verzorgen met de opbouw en afbouw. Hee kon ok good verhalen veurdraegen en hef dat ok regelmaotig edaone bi-j een evenement. Wi-j bunt Johan dan ok heel dankbaor veur wat hee allemaole veur unze vereniging en de streektaal edaone hef.

De foto's van de evenementen van 't jaor bunt emaaft deur Janette van Egten. De andere taken bunt verdeeld onder de bestuursleden.

Diana Abbink warkt ok veur Erfgoedcentrum Achterhoek en Liemers en zit ok onder andere in het bestuur van de warkgroep Achterhoek-Westmünsterland. Ze kan daordeur veur völle zaken een verbindende schakel wezzen. Ok hef Diana samen met Ria Olijslager een streektaal-radioprogramma bi-j Slingeland Fm en een dialectquiz op televisie van Slingeland Fm. Gerard Uwland hef een streektaalradio-programma op Slingeland Fm en Ine Uwland zorgt daorbi-j veur de techniek/ knöppe van 't programma. De programma's kent völle luusteraars.

Wieter nog:

D'r bunt d'r wat streektaalbeuke-pakketten veur winnaars van streektaalquiz op Slingeland Fm ter beschikking e-steld deur de Dialectkring en tevens een jaor lang gratis lidmaotschap veur de winnaars.

2025: 01 januari :331 leden- 31 december: 339 leden

- Waorvan:
- Proef-abbonnementen: 7
- Ni-je leden:17
- Opzeggingen: 8
- Overleden: 8

18 April 2026:

Veurzitter: Diana Abbink

Secretaris: Sonja Roerdink